

## Papia Jems da Mandagit

*But piso gen*

Papia on Yesu dakon padige Jems da mandagit. Jems unun Yesu yolyol amin Jerusalem egipgwit dakon kila amini egipgut. (Yabekbi 15.13 unudon koki.)

Jems da on papia mandagit unjungwan Pinjkop dakon minat aminyo da ni anpak tagisi ban yolek ani dakon gen tagisi morapmi mandagit. Minat aminyo da nandak nandak tagisi ban timigek ae Pinjkop dakon gen pakyanji abidan kimotni do tilak gen morapmi mandagit.

Jems da gen tebai yan yosok: Yesu nandan gadan imjak amin isal egipmi mini. Amin do anpak tagisi ban an yomin kimotjak, unun da gak nandan gadat tebaisi asal yan minat aminyo yolinban kokdan.

*Nin panjkewalon tebaisi atneŋ, yan anek Pinjkop gat tagisi egipneŋ*

*(Kilapmi 1.1-18)*

<sup>1</sup> Nak Jems, Pinjkop ae Amin Tagi Yesu Kristo dakon oman amini. Papia on Israel amin 12 kabi ji kokupji yipmanek miktim njwaknwarikon kiwit da ekwan ji do mandan yipbo obisak. Gildat tagisi.

*Panjkit da nin panjteban asak*

<sup>2</sup> Not kabi, paŋkilit mibili mibili altan damni bisapmon butjik kinda jikon dima tosak, kisik kisik dagin jikon tosak.

<sup>3</sup> Nido ji nandan, yo noman tanej nandan gadatji paŋkilikdak, unun da tebai agek jigì gu-ramitnej dakon anpak paŋalon asak.

<sup>4</sup> Toktogisi tebaisi agek jigì guramitni, yan anakwa unun anpak da jikon teban tosak. Yan anek Piŋkop dakon anpak kinda do wadak wadak dima ani. Anpakji da tagisi ae kilegisi akdisak.

*Nandan kokwin kilegì do wadak wadak asak amin unun bisit asak*

<sup>5</sup> Ji da binapmon amin kinda nandan kokwin kilegì do wadak wadak asak kan, Piŋkop da nandak nandak imjak do bisit asak, anakwan Piŋkop da imdisak. Piŋkop da amin morap do yo morapmi yomisak, ae bisit iyan amin do yanba yokwi tok dima an yomisak.

<sup>6</sup> Mani unun amin nandan gadatsi anek Piŋkop do bisit asak. Nandan gadatni timisok di yipman degek “Piŋkop da unun namdisak bo dima” yan dima nandisak. Nido amin but bamot an unun tap pakbi mirim da pisonakwan tamalikgan unun yombem.

<sup>7</sup> Unuden amin Piŋkop da yo kinda namdisak yan dimasi nandisak.

<sup>8</sup> Unun amin dakon nandak nandakni yo dikon di yopman yopman asak, anek anpak morap asak unun kosit nan gin kanek dima agisak.

*Yoni mini amin gat ae yoni morapmi amin gat dakon gen*

<sup>9</sup> Not kinda yoni mini kaŋ, kisik kisik tagi asak, nido Piŋkop da dabilon man madepni toŋ da egisak.

<sup>10</sup> Ae yoni morapmi amin Piŋkop da mani abiŋ yipmanɗak, do kisik kisik tagi asak, nido jareŋ da biripmikwan uŋun da tilak kimotdaŋ.

<sup>11</sup> Gildat da wisak bisapmon gildat tepmisi wusɗek joŋ pindakban kibidaŋ mudon. Joŋ dakon jareŋi maŋ mudanɗakwa, tilimni tagisi uŋun wagil pasilgaŋ. Uŋuden gɗin yoni morapmi amin pini mibili mibili sigin anɗek kimot akdaŋ.

*Piŋkop yo tagisi aŋ nimɗek yokwikon dima paŋkisak*

<sup>12</sup> Paŋkewal morap noman toŋon jigi guramigek tebai akdak amin uŋun kisik kisik tagi asak. Nido paŋkilit morapmon tebai atjak kaŋ, Piŋkop da miŋat aminyo but dasi galak taŋ iman uŋun do egip egip dakon pelit tim tilimi toŋ yom do yaŋ teban tok agit, uŋun imdisak.

<sup>13</sup> Yokwi ak do paŋkilit noman taŋ iba “Piŋkop da anɗilikban asat” yaŋ amin kinda da dima yogogi. Nido, yokwi da Piŋkop aripmi dima anɗilitjak, ae Piŋkop da amin kinda yokwi asak do dima anɗilikdak.

<sup>14</sup> Mani, nin kalon kalon dakon but dakon galaktok yokwi da paŋkilitban yokwi agak dakon galaktok noman tosok.

<sup>15</sup> Uŋun but dakon galaktok yokwi uŋun miŋat kinda da monji kwapmi awildak yombem da don yokwi analon aban noman tosok. Ae yokwi da si tagosok bisapmon kimot analon asak.

16 Notnonisi, ji bikbik iba yokwi ami da ji di panjiklikban.

17 But galak dakon yo morap tagisisi unun Dat da yopban kwen da panj. Dat, kundukon tenjenj morap wasagit amin, unun anpakni kulabik dimasi asak. Unun gildat panjomon yo dakon wupni dubak ton da ae don pisip ton unun yombem dima.

18 Unun yo morap wasagitgwan amin nin da wukwini egipnenj do anek iyi dakon galaktok yolek gen bam niban minjat monjini dagagimanj.

## **Nin Pinj<sup>kop</sup> do bamisi nandan gadan imamanj kan, anpak tagisi kisi anenj**

*(Kilapmi 1.19-5.6)*

*Nin geni nandanek guramitnenj*

19 Not kabino, pakyanjsi nandani. Ji morap gen nandak do mirak pakyanjsi yopni, mani gen tepmi dima yoni, ae butjap tepmi dima nandani.

20 Nido, amin dakon butjap da Pinj<sup>kop</sup> dakon anpak kilegi dima anjalon asak.

21 Yanj do anek anpak injani mibili mibili gat ae anpak yokwi morap jikon madepsi irenj tosok, unun wiriritni. Anek disi do nandaba pinakwa egek Pinj<sup>kop</sup> da gen unun butjikon kwaokgit unun nanj abidoni. Gen unun da ji yokwikon banj tagi timitjak.

22 Mani gen unun isal dogin dima nandani, si guramitni. Isal dogin nandanj kan, disi banj panjekwalganj.

<sup>23</sup> Amin kinds Pinjkop gen isal dogin nandaneke dima guramikedak kan, unun amin kinds da wupni pakbi idapmon kosok unun yombem.

<sup>24</sup> Unun iyi dakon tomno dabilni kosok, mani kineke tomno dabilni unun nianen unun tepmisi injtosok.

<sup>25</sup> Mani gen teban gwaljigi minisi unun da yokwi dakon tapmim tuwilek nin pulugan nipmandak, do amin kinds da unun gen teban pakyansi kanban pisanakwan geni dima injtaneke guramitjak kan, Pinjkop da unun amin anpuluganekwan pi morap asak unun tagisisi noman tokdan.

<sup>26</sup> Amin kinds “nak Pinjkop gawak imim silip an kimokdot” yan nandisak, mani gen kagani dakon kila tagi dima anek gen yokwi morapmi yosok kan, unun amin iyi nan top ankewaldak, ae Pinjkop gawak imim dakon silip asak unun yo isalisi.

<sup>27</sup> Pinjkop gawak imim dakon silip Pinjkop Dat da kanban gwaljigi minisi ae gulusunni mini asak unun yan: Nin minjat monjiyo men datyoni kimakbi gat, ae sakwabat gat do nandak nandak anek panpuluganek jigini guramitnen, ae nin dakon anpak kila tagisi anen, anapno miktim on dakon anpak yokwi da panupbal aban Pinjkop da dabilon injani dima egipnen.

## 2

### *Nin amin morap kisi do anpak aripsi gin anen*

<sup>1</sup> Not kabino, Amin Taginin Yesu Kristo tilimni madepsi, unun nandan gadan iman, do amin kinds

do anpak tagi anek ae kinda do manji imni kan unun tagi dima.

<sup>2</sup> Amin kinda yik imalyo tagisi ban panek ae kisit tamikon sip gol nan wasanbi kinda yipmanek ji dakon muwut muwut yutjikon wigakwan yoni mini amin kinda imalni daganbi ae yokwisi kinda ununyo kisi wugisak,

<sup>3</sup> anakwal ji da anpak tagi amin yik imalyo tagisi ban pak unun do an iminek yan iyan, “Gak obin on tamo tagisikon yikgi”, ae yoni mini amin yan iyan, “Gak amodon akgi” bo ae “Nak da kandap da kapmatjok mibilikon yikgi” yan iyan kan,

<sup>4</sup> amin diwari tagi ae diwari yokwi yan nandan yan asak. Yan anek ji kokwin amin daganek nandak nandak yokwikon da kokwin an.

<sup>5</sup> Not kabino nandani. Miktin amin da dabilon yoni mini ekwan amin, unun banjin Pinjkop da nandan gadat madepsi tujan yominakwan egipni do kili manjigit. Kalip yan teban tok yan agit, amin but dasi galak tan iman unun yopban iyi amin kila asak da kagagwan egipdan, do yoni mini amin iyi amin kila asak da kagagwan egipni do kili manjigit.

<sup>6</sup> Mani ji da yoni mini amin unun nandaba pinban yoman. Namn da pabin depmanek jigidaminek ji timik gen pikon depmanjan? Unun yoni morapmi amin dagin anpak unun an.

<sup>7</sup> Pinjkop da Kristo dakon mani tagisi jikon yipgut, nan namn da unun do nandaban pinakwan jigilak gen yon? Unun yoni morapmi amin dagin yon.

<sup>8</sup> Pinjkop unun kila amin madepnin, unun da papianton gen teban kinda nimgut da yan yosok:

“Gaga do but dasi nian galak tosol, unuden gin  
amin do but dasi galak tan yobi.”

Ji gen teban unun but dasi guramitni kan, ji anpak  
tagisi an.

<sup>9</sup> Mani amin kinda do anpak tagi anek kinda yum  
koni kan, unun yokwi an. Anakwa gen teban unun  
da yan nolisak, ji gen teban tuwil tuwil amin.

<sup>10</sup> Amin kinda Pin kop dakon gen teban morap kisi  
guramigek kaloni kinda nanjin kirinikdak kan,  
unun amin gen teban morap kisi kirinikdak da arip  
gulusunni ton.

<sup>11</sup> Nido, Pin kop da yan yagit:

“Minat eyo kili abi, ji yumabi anpak dima ani.”

Ae yan kisi yagit:

“Ji amin dima dapba kimotni.”

Do yumabi anpak dima agil, mani amin kinda  
anjakbi kimagit kan, gak gen teban morap tuwil  
tuwil amin kinda dagagil.

<sup>12</sup> Pin kop da anpakji kokwin asak bisapmon unun  
ji pulugan depmandak dakon gen teban unun do  
nandanek kokwin akdisak. Do ji unun do nan-  
danek amin do bupmi nandanek toktogisi gen yo-  
gokji gat ae anpakji gat dakon kila tagisi ani.

<sup>13</sup> Nido amin kinda amin do bupmi dima  
nandagit kan, Pin kop da gen pikon kokwin asak  
bisapmon bupmisok kinda dima nandan imdisak.  
Mani amin do bupmi nandagit amin unun gen  
pikon teban tokdisak.

---

**2:9:** GT 1.17    **2:10:** MS 19.37; IDT 20.7-12,24; Mt 5.19    **2:11:**  
TP 20.13-14; Ro 13.9    **2:12:** Gal 6.2; Jem 1.25; 1Pi 2.16    **2:13:** Mt  
5.7; 18.32-35

*Nandan gadat anpak tagi dima panalon asak, unun nandan gadat yo isali*

<sup>14</sup> Not kabino, amin kinda da “Nak Kristo nandan gadan imisat” yan yosok, mani anpak tagi dima asak kan, nandan gadat unuden da yokwikon ban tagi abidosak? Unun dimasi.

<sup>15</sup> Panmuwukbi notnin kinda bo ae saminin kinda imalni yokwi gin, anakwan japni mini kan,

<sup>16</sup> jikon da kinda da yan iyisak, “Butgo yawori tanakwan panke nanali egipbi, ae kin jap nanek butgo tugosak”, mani imal bo jap dima imisak. Isal gen gin iyik unun da nian anpulugosak?

<sup>17</sup> Nandan gadat dakon anpak kisi yan gin. Nandan gadat isal tanek anpak tagi kinda dima noman tosak kan, unun yo isali.

<sup>18</sup> Mani amin kinda da yan yosak, “Amin diwari nandan gadat anakwa amin diwari anpak tagi an.”

Yan yanban kobogi yan yokdisat, “Gak nandan gadat anek anpak tagiyo kisi dima abi kan, nak nianon da gak dakon nandan gadat koken? Mani, nak dakon anpak tagi da nandan gadatno golikdisak.”

<sup>19</sup> Gak “Pinkop kaloni dagin egisak” yan nandan gadasal. Unun tagi. Mani kon yo kisi yan gin nandan gadanek madepsi nimmikgan.

<sup>20</sup> Nandan kokwingo tagi dima amin, gak nandan gadat gin anek anpak tagiyo kisi dima abi kan, nandan gadatgo unun yo isali. Gak gen on dakon mibili nandak do nandisal? Kan, nandaki,



<sup>21</sup> kalip babiknin Abraham da monji Aisak al-takon yipmanjek Pinjkop do paret aban Pinjkop da yo agit unun kanjek amin kilegi yan iyigit.

<sup>22</sup> Pakyanji nandaki. Abraham dakon nandan gadat gat ae anpakni tagi unun kalonji gadagimal, anakwan unun anpak tagi da nandan gadatni aripmisi agit.

<sup>23</sup> Do Pinjkop gen papiakon gen kinda tosok unun bami noman tagit. Gen unun yan: “Abraham unun Pinjkop do nandan gadat aban, Pinjkop da amin kilegi yan iyigit.” Ae amin da Abraham do Pinjkop dakon notnisi yan iyiwit.

<sup>24</sup> Do yanji nandani, amin kinda isal nandan gadat dogin Pinjkop da amin kilegi yan dima iyisak. Amin kinda anpak kilegi asak unun do nandanjek amin kilegi yan iyisak.

<sup>25</sup> Yangin kosit oba minjat Reap da amin panman ak amin bamot unun uwal da dapni yan do panjisibinek yabekban kosit njwakjwat nan tobil kigimal, do Pinjkop da minjat kilegi yan iyigit.

<sup>26</sup> Nin nandaman, amin kinda wupni kili yipman dekgit kan, unun amin kili kimakgit. Yangin, amin kinda nandan gadat anek anpagon dima yipmandak unun amin nandan gadatni kili kimakgit.

### 3

#### *Nin gen yogoknin dakon kila tagisi anej*

<sup>1</sup> Not kabino, jikon da amin morapmi da Pinjkop gen yoyindet pi ak do nandak nandak dima ani.

Nido ji nandan, Pin kop da minat aminyo dakon anpak kokwin asak bisapmon minat aminyokon yoyindet pi an amin unun pakyan si kokwin akdisak.

<sup>2</sup> Nin kisi morap gulusun morapmi aman. Mani amin kind a gen kagani dakon kila anek gen yokwi kind a dima yosok kan, unun amin gwaljigi minisi, ae unun da giptim diwat morapni kisi kila tagi asak.

<sup>3</sup> Os da nin dakon galaktok yolek kosit agipni do gen kaganikon ain tim yopman gaman. Yan anek giptimni kisi iligapno nin dakon galaktok yolek akwan.

<sup>4</sup> Ae tap wakga yo kisi do nandanen. Tap wakga unun yo madepsi daman, ae mirim madepsi da pisonakwan tap idapmon agisak. Ae tap wakga antobilakwa agisak dakon kindap kwik unun moningisisok. Mani tap wakga awildak amin timi kindakon kik do asak kan, unun tap wakga dakon yo unun antobil tobil anakwan dukwan kik do nandisak unudon kisak.

<sup>5</sup> Unuden gin, gen kaga unun giptim dakon diwari moningok kind a, mani iyi dakon man awigek yo madepsi do yosok.

Kindap moningok kind a da sonjek madepsi anek koron sonjek kindap morap tagini sosak.

<sup>6</sup> Gen kaga unun kindap kind a, yokwini unun madepsi daman. Unun da kindap tepmisi kwan sosok unun da tilak anpak yokwi mibili mibili panalon anek egip egipnin madepsi panupbal asak. Ae Sunduk Tipdomon egisak unun da amin da gen kagakon kindap unun yipban sosok.

<sup>7</sup> Amin da jon kilap mibili mibili gat, ae minam, ae tunon amin, ae tap idapmon yo morap ekwan unun timigek yo unun kilani anakwa unun da kisiron ekwan.

<sup>8</sup> Mani gen kaga unun tapmimni madep do amin kinda da iyi dakon gen kaga kila aripmi dima asak. Bisap morapmi gen kaga gen yokwi morapmi yosok. Unudon amin dapdap marasin yokwi madepsi tugawit da ton.

<sup>9</sup> Gen kagakon da Amin Tagi Datnin ankisaman. Mani bisap diwari nin da minat aminyo Pin kop da iyi yombem wasagit unun jobit yomaman.

<sup>10</sup> Gisam yomyom gat ae jobit gat kisi unun gen kaga kalonon dagin noman tomal. Not kabi, unun tagi dima.

<sup>11</sup> Pakbi dabil kalonikon da pakbi si noknogi ae amin da dima noknogi yo kisi aripmi tagi potpori?

<sup>12</sup> Not kabi, pik kindap da olip sop tagi potni? Ae wain nap da pik kindap dakon sopmi tagi potni? Yangin pakbi isipmi da pakbisi aripmi dima dagoni.

*Nandak kokwini tagisi amin da anpak tagisi akdisak*

<sup>13</sup> Ji da binapmon nandan kokwini tagisi ae nandak nandakni tagisi amin kinda egisak kan, unun amin bisapmi bisapmi anpak tagisi asak, ae nandan kokwini tagisi do iyi dakon man dima awigisak. Yan anakwan amin da kanba amin nandan kokwini tagisi ae nandak nandakni tagisi asak.

<sup>14</sup> Mani ji tagisi ekwan amin do nandaba yokwi tok an kan, ae bisapmi bisapmi ji disi dakon man

pawigik do kosit wusik an kan, nandan kokwin tagisi gat ae nandak nandakji tagisi gat do kisik kisik dima ani. Top anakwa anpakji da gen bami di abin yipban.

<sup>15</sup> Nandan kokwin yokwi unuden Kwen Kokup da dima pisak. Unun on miktim dakon yo gin. Unun Pinkopmon da dima abisak, Sunduk da analon asak.

<sup>16</sup> Nandani, tagisi ekwan amin do nandaba yokwi tok anek bisapmi bisapmi iyi dakon man pawigik do kosit wusik an amin da binapmon pidok pidok madepsi noman toso, ae anpak yokwi morap unuden da noman ton.

<sup>17</sup> Mani amin nandan kokwin tagisi Kwen Kokupmon nani ban timikgan unun da anpak yan an: Mibiltok nandak nandak gwaljigi mini unun yolgan, ae unun da bunon amin gat but kalonji ekwan, ae anpak yawori an yoman, anek pinbisi egek amin diwari dakon gen nandane ekwan, ae amin do bupmisi nandan yominek anpak tagisi anyoman. Unun amin morap kisi do anpak tilak kalonikon gin anyoman. Ae jamba but anpak dima an, unun anpak tagi yol kimokgon.

<sup>18</sup> Nin but kalon ekwaman kan, unun jap yet kwaokgaman yombem. Do unun but kalon anpagon jap da pigaga kwon unun da tilak anpak tagisi da egip egipninon noman tokdan.

## 4

*Miktim dakon anpak do galak ton amin unun Pinkop dakon uwalni*

<sup>1</sup> Gen emat gat ae butjap ukwayityo binapjikon noman tonj unjun mibili nido noman tonj? Unjun yokwi dakon but suligik dakon anpak mibili mibili butjikon emat anj, unjun da gen emat ae butjap ukwayityo panalon anj.

<sup>2</sup> Ji yo timit do nandanj, mani dima timikganj, do ji amin dapba kimokgonj. Ji yo do pindak galaktok anj, anjek unjun aripmi dima timitni, do butjap ukwayityo anjek gen emat anj. Pinjkop da yo damjak do bisit dima anj, mibili yanj do anjek yo dima timikganj.

<sup>3</sup> Ae yo timit do bisit anj bisapmon yo dima timikganj, nido nandak nandakji kilegi dima tanakwan Pinjkop bisit anj iman. Ji but dakon galaktok yokwi yolek giptimji da kisik kisik asak unjun dogin nandanj.

<sup>4</sup> Minjat da eni yipmanjek kin yumabi anpak asak unjun da tilak ji Pinjkop kili yipmanj dek mudanj. Nandani, miktim dakon yo do galagi nandisak amin unjun Pinjkop do kuragisi nandanj imisak. Unjun dima nandanj, ma? Nandani, on miktim not anjimisak amin, unjun Pinjkop dakon uwalni dagosok.

<sup>5</sup> Pinjkop dakon papia da yanj yosok, “Wup unjun Pinjkop da nin da butgwan yipgut unjun yo morap yopmanj mudanjek iyi dogin galaktan kimotnej do nandisak.” Gen unjun gen isali yanj nandanj, ma?

<sup>6</sup> Mani Pinjkop da nin do nandanj yawot madepsi anj nimisak. Mibili yanj do anjek Pinjkop dakon papia da yanj yosok:

“Pinjkop da amin iyi dakon man pawikwanj amin  
yo ak do nandanj unjun dima ani do kosit

sopman yomisak,  
 manî amin iyî do nandaba pañ unun nandan  
 yawok yominek yo tagî an yomisak.”

<sup>7</sup> Do ji disî do nandaba piñakwan Piñkop da  
 yongamgwan egipni. Sunduk kosit sopman  
 iminakwa depman dek pasal kikedisak.

<sup>8</sup> Piñkop da kapmatjok kini, anakwa Piñkop ji  
 da kapmatjok apjak. Yokwi pakpak, amin da  
 kisitni pakbikon suganba kilegisi an, unun da tilak  
 butjikon yo yokwi ton unun suganba kilek tan  
 mudoni. Jamba but amin, butjikon nandak nan-  
 dak yokwi ton unun wiririk mudoni.

<sup>9</sup> But yokwi anek kunam morapmi tatni. Abisok  
 jikgo yanjan amin, kulabik anek kunam tatni.  
 Abisok jikgo yanjan amin, kulabik anek butji jik  
 tanakwa egipni.

<sup>10</sup> Amin Tagi da dabilon disî do nandaba pini.  
 Yan ani kan, Amin Tagi da ji pawigikdisak.

### *Nin amin do yanba yokwi tok dima anen*

<sup>11</sup> Not kabi, panmuwukbi notji diwari do yanba  
 yokwi tok dima ani. Amin diwari do yanba yokwi  
 tok asak bo ae notni dakon anpak kokwin asak,  
 unun gen teban do yanba yokwi tok anek gen teban  
 kokwin asak. Ae gen teban kokwin asal kan,  
 gak gen teban dima guramikdal, unun gen teban  
 dakon kokwin agak amin dagal yan asak.

<sup>12</sup> Piñkop kalon dagin gen teban panalon agit,  
 unun kalon dagin Gen Kokwin Amin egisak. Ae  
 unun kalon dagin minat aminyo yokwikon ban tagi

timitjak, ae tagi pañupbal asak. Do gak namin da amin dakon anpakni kokwin asal?

*Nin kwen wigik dima anej*

<sup>13</sup> Jikon amin diwarì da yan yonj: “Abisok bo anwa kokup pap kindakon kin monej ilit pi anek bilak kinda egipneñ. Yan anek monej morapmi timitneñ.” Yan yonj amin ji do gen yipmandat.

<sup>14</sup> Ji gen unjuden ban yonj, mani anwa yo ni da noman toni unjun dima nandanj. Egip egipji mukwa da yan noman tanek bisap pisipmisok gin tanek wagil pasilgan unjun yombem.

<sup>15</sup> Ji yan gin yoni kan tagi, “Amin Tagi da galak tosagon nin sigin egek yo unjun ak do nandaman unjun anej.”

<sup>16</sup> Mani disi dakon man pawigek disi pi madep akdan unjun do yonj. Unjun yokwisi.

<sup>17</sup> Pakyanñsi nandani, amin kinda anpak tagisi kinda ak do nandanek dima asak kan, unjun amin diwarini tonj.

## 5

*Yoni morapmi amin kobogi yokwisi timitdan*

<sup>1</sup> Nandani! Yoni morapmi amin ji do gen yipmandat. Kunam tagek yan tidoni! Nido jigi madepsi da jikon noman tanj damdisak.

<sup>2</sup> Yo morapji gat ae tilimji gat kili miktanj mudanj. Ae imal morapji yo moninj da kili nanj mudanj.

<sup>3</sup> Golji gat ae silwasi gat unjun manut anj mudanj. Unjun manut da ji dakon yokwisi pañnoman aban nomansi tenjenokdan, anek manut da giptimji

kindap da yan sonba sokdan. Mibi bisap kili ununjok noman tokdisak, anjakwan ji isal dogin yo morap gat monej gat panmuwukgan.

<sup>4</sup> Nandani. Pi monji da pigagasi jap pawit. Anakwa ji da yuman nogini diwari pankutnanek diwari gin yomgwit. Monej diwat unun da Pinjop da anpakji yokwi unun dakon kobogi damjak do madepsi yan tidon. Ae pi monji unun dakon bupmi kunamyo da Amin Tagi Tapmim Ami da miragon kili pigigit.

<sup>5</sup> Miktimon egipgwit bisap morapmon ji yo tagi tagi morapmi timigek disi dogin nandanek kisik kisik anek egipgwit. Jap morapmi nanek madepsi tagawit, do dikba kimotni dakon bisap kili noman tak.

<sup>6</sup> Amin kilegi gen yan yominek kili dapba kimakgwit. Unun iyi kutnok do yo kinda dima awit.

## **Nin tebai agek bisit anek Amin Tagi dakon abap do jomjom anej** (Kilapmi 5.7-20)

*Nin jigì guramigek Amin Tagi dakon abap do jomjom anej*

<sup>7</sup> Do not kabi, butji yawori tanakwa jigì guramigek Amin Tagi da ae apjak unun do jomjom ani. Disi nandan, pigagani ton amin unun jap tagisi kwokdan unun do jomjom anegisak. Unun butni anteban anek yawori egek jomjom anjakwan sikak gildatyo da pini anakwal don bami pasak.



<sup>8</sup> Jiyo kisi butji yawori tanakwa jigì noman tan daman unun guramitni, nido Amin Tagi da apjak bisap unun kwanj tosok.

<sup>9</sup> Not kabi, notji do yanba yokwi tok dima an an ani. Pinjop da gen pikon di depban. Nandani, Gen Kokwin Amin Madep yoma kagakon akdak.

<sup>10</sup> Not kabi, kombi amin kalip Amin Tagi da manon yan tenjenok awit unun do nandani. Uwal da yo yokwisi anyomgwit, mani butni yawori tanakwa jigì unun guramikgwit. Ji unun dakon anpak timigek yolni.

<sup>11</sup> Nandani, nin yan yoman, “Amin butni panjeban anek yawori egek jigì guramikan unun Pinjop da gisamikban kisik kisiksi ekwan.” Jop dakon geni kili nandawit. Unun butni anjeban anek yawori egek jigì morap noman tan imgwit unun guramikit. Disi nandan, don Amin Tagi da anpak tagisi an imgut. Asi nandaman, Amin Tagi da amin nin do but dasi galak tan nimisak, ae bupmi madepsi nandisak.

### *Gen yan panjeban ak dima ani*

<sup>12</sup> Not kabi, gen madepsi kinda unun yan: Ji Kwen Kokup bo miktin bo ae yo di da manon genji dima yan panjeban ani. Yo kinda ak do nandan kan “Asi” yan gin yoni. Mani dima ak do nandan kan “Dima” yan gin yoni. Genji yo di da manon yan panjeban aba Pinjop da kobogi yokwi di daban.

### *Amin kilegi dakon bisit unun tapmimi ton*

13 Jikon da kinda jigi pasak kaŋ, Piŋkop do bisit asak. Ae kinda dakon but kisik kisik nandisak kaŋ, unun Piŋkop dakon man ankisik do kap yosak.

14 Jikon da kinda sot asak kaŋ, paŋmuwukbi dakon kila amin yaŋ yoba opni. Abinek Amin Tagi da manon bit nelak giptimikon soŋ iminek Piŋkop da anpuluganban kilek tosak do bisit ani.

15 Piŋkop do nandan gadaneŋ bisit ani kaŋ, Amin Tagi da sot amin unun anmilip anek aban pidokdisak. Ae yokwi agit kaŋ, Amin Tagi da diwarini wiririk imjak.

16 Yaŋdo, ji kalon kalon diwarisi Piŋkop dakon minat aminyokon yaŋkwok ani. Anek ji kalon kalon Piŋkop da amin diwari paŋpulugosak do bisit ani, anakwa Piŋkop da ji paŋmilip asak. Amin kilegi kinda da bisit asak kaŋ, bisitni unun tapmimi ton, ae amin diwari tagisi paŋpulugogi.

17 Elaija miktin amin nin yombem. Mani sikak dima mosak do bisit tebai anakwan, sikak dima manakwan bilak 3 ae kanek 6 agit.

18 Don bisit aeni anakwan kundu da sikak yipban manakwan pigaga jap aeni kwawit.

*Kosit yipman dekgit amin abidan anopneŋ*

19 Not kabino, jikon da kinda Piŋkop dakon gen bami yolyol kosit yipman degakwan amin kinda da abidan aeni anopjak kaŋ,

20 unun amin anpak tagisisi nan asak. Gen on do pakyaŋsi nandani. Amin kinda yokwi pakpak amin kinda anpuluganeŋ kosit yokwikon nan abidan Piŋkopmon ae anopjak kaŋ, unun amin

yokwi pakpak amin kimoron nan abidaŋakwan  
kimot dima asak. Ae Pinƙop da yokwi pakpak amin  
dakon yokwini morapmi yopman yomgut.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 1 Oct 2024 from source files dated 31 Aug 2023

b683ce50-d820-5bfc-8471-d8ee080be106